



News Reel

Kev Tswj Ntses Nyob Cheeb Tsam Waterville Tsab Ntawv Xov Xwm Lub Caij Ntuj No 2025

Soup Tsab Xov Zaum Kawg

Saum toj no: Ib tug ntses Northern Pike ntawm Aitkin County nyob hauv cov dej khov rau lub caij ntuj no thaum tso ntses rau Greenleaf Lake. Saib zaj dab neeg nyob nplooj 3.

Xyoo 2013, kuv tau txais txoj hauj lwm ua Tus Saib Xyuas rau Area Fisheries nyob hauv Waterville. Thaum kuv pib txoj hauj lwm no, kuv muaj kev paub tsis txhij txhua txog cov dej num, tiam sis kuv kuj zoo siab uas tau txais txoj hauj lwm tshiab no. Kuv thawj thawj lub hom phiaj yog los hloov kho txoj kev coj ntawm pab pawg, uas yog ib yam uas pab kuj tau ua tiav rau hnuv no lawm thiab! Peb tau txaus siab thiab rau siab heev rau pab txoj hauj lwm ntawm Waterville, nrog txoj kev tsim cov khoom muaj txiaj ntsig rau thaj av thiab rau pab cov pej xeeb. Peb siv cov tswv yim tshaj lij los daws teeb meem thiab tsim tej yam tshiab txhawb rau cov neeg nuv ntses. Luag ntshi vim muaj ntses Trout! Peb tau hloov pab cov hauj lwm kom haum nrog txhua yam tswv yim tshiab. Xws li, rov yug cov ntses muskie uas nyuam qhuav loj hlob! Peb rov qab pib ua tej hauj lwm uas tau muaj tso tseg rau yav tag los. Uas yog, LMS Walleye, txoj kev kawm txog cov ntses no saum huab cua! Peb kuj tau tsim ib txoj kev tshawb fawb kom paub txog txoj kev txhim kho cov chaw yug ntses. Peb kuj xav tsim ib lub chaw yug ntses tshiab hauv Waterville, nyob rau xyoo 2027! Thaum koj tuaj saib lub chaw yug ntses tshiab ntawd, koj yuav pom cov cuab yeej tshiab, uas tej zaum yuav muab teeb rau hauv ib lub chaw rau cov pej xeeb tuaj saib. Lub tswv yim no yuav los qhia txog pab lub peev xwm tsim tau cov cuab yeej tshiab uas yuav pab tiv thaiv thiab txhawb tau lub chaw yug ntses kom ruaj khov thiab kav ntev mus li.

Hais txog qhov feem xyuam nrog koj! Peb lub hom phiaj yog tsim ib pab pawg kom muaj kev koom tes thiab kev txuas lus nrog cov pej xeeb txhua lub sij hawm. Yav tag los, NewsReel yog lub chaw tiag taw los ua qhov dej num no. NewsReel yeej ib txwm muaj cov xov sau los ntawm cov neeg ua hauj lwm rau DNR thiab kuj muaj cov lus cev lus los ntawm cov neeg nyiam nuv ntses ntau heev tib yam nkaus. Nyeem tsab ntawv no uas muaj zaj lus sau los ntawm John Underhill, uas tawm plaws hauv nws lub siab tuaj. Zaj lus no qhia txog qhov tseem ceeb ntawm kev nuv ntses rau tib neeg txoj kev ua neej. Zaj lus no txhab txhais tau lub tseem ntsiab ntawm pab txoj hauj lwm! NewsReel tau muab tsab xov los txhais ua tsib hom lus kom nws pab tau TXHUA TUS neeg!

Qhov Fisheries Information SHaring network (FISHn) tau tsim raws li cov tswv

yim muab los ntawm cov neeg nuv ntses hauv zos! Nws muaj kev tshwm sim kom muaj txoj kev sib qhia saum social media, hauv cov xov xwm hauv zos, thiab lwm yam kev tshaj tawm – pab siv cov lus zoo xwb – kom raug tib neeg siab nyiam, lawv thiaj li xav tuaj kom koom kev sib tham. Cov rooj sib tham FISHn muaj ntau pua tus tuaj koom. Cov hu xov tooj thiab tuaj xyuas lub chaw yug ntses – los kuj muaj coob tas li. Muaj kev thov kom cov neeg ua hauj lwm mus koom tes hauv rau tej kev sib tham/cov koob tsheej nyob hauv zos thiab! Kev koom tes hauv zej zog pib muaj ntau tshaj lawm. Lub hom phiaj uas pab teem tseg kuj tau ua tiav lawm; vim pab rub tau NEJ los ua ib cov tswv cuab hauv koom pab pab pawg.

Lub sij hawm uas kuv sau tsab ntawv no, uas yog Soup Tsab Xov Ua Zaum Kawg rau NewsReel, kuv ro qab xav txog 12 xyoo dhau los thiab cov hauj lwm uas kuv tau ua tiav. Txawm tias kuv yuav mus ua lwm txoj hauj lwm los, nco ntsoov tias kuv tsis yog ncaim mus nyob deb. Nyob rau kuv txoj hauj lwm tshiab uas yog ua Tus Thawj Tswj saib xyuas Southern Regional Fisheries, kuv yeej tseem ua hauj lwm pab cheeb tsam Waterville, tiam sis nyob rau lwm txoj kev. Qhov kev txiaj txim tso txoj hauj lwm no mus rau lwm txoj yeej tsis yooj yim kias li, vim kuv tau tso kuv lub siab tag nrho thiab txaus siab heev rau txoj qub, los mus hloov rau ib yam uas kuv tsis paub tias yuav coj kuv mus zoo li cas rau yav tom ntej. Tiam sis, thaum kuv xav txog txoj hauj lwm tshiab no, kuv pheej pom ntau yam lub hom phiaj, ib yam li thaum kuv nyuam qhuav txais txoj hauj lwm ua Tus Saib Xyuas Waterville ntau xyoo dhau los.

Ib daim ntawv me uas nyob saum kuv lub rooj sau hais tias: “Thaum koj tsom rau teeb meem xwb, koj yuav muaj teeb meem tshwm tas li. Thaum koj tsom mus rau cov kev taug, koj yuav pom ntau txoj kev xaiv!” Muaj ntau txoj hauv kev rau pab taug, thiab muaj hais los, nyob ntawm yus siab seb yuav xaiv txoj twg kom tsim tau txoj kev zoo xwb. Dua li ntawd lawm, nws nyob ntawm cov neeg pab rub los koom nrog pab, uas yog ib yam tseem ceeb tshaj plaws li. Ua tsaug rau koj uas yog ib tug ntawm cov tib neeg ntawd!

- Craig Soupir, tus saib xyuas thaj chaw

Rooj Sib Tham FISHn

- Hnuv Tim 27, Lub Ob Hlis @ 6:00 pm
- Nyob rau ntawm Mankato Country Inn thiab Suites
- DNR yuav los tham thiab qhib rau txhua tus tham
- Caw sawv daws tuaj koom. Muaj khoom txom ncauj!

Lub chaw hauj lwm Waterville tso cai muaj 20-30 kev sib tw nuv ntses bass txhua xyoo (nrog rau cov kev sib tw uas tsis tshuam nrog muaj ntawv tso cai). Ib feem ntawm txheej txheem tso cai yog yuav tsum tshaj tawm qhov txiaj ntsig. Nov yog daim ntawv uas luv qhia qhov txiaj ntsig txij xyoo 2008 los.

- Cov kev sib tw ntau tshaj: East Jeffer-son (41), Madison Lake (35), Lake Washington (33), Tetonka Lake (30), Cedar Lake (27)
- Tus lej nruab nrab ntawm cov nkoj: 23.1
- Tus lej nruab nrab nuv tau ntses bass rau ib lub nkoj: 3.3
- Qhov nruab nrab nuv tau ntses bass siab tshaj rau ib lub nkoj: Cannon Lake (4.0), Cedar Lake (4.2), Lake Frances (4.4)
- Qhov nruab nrab nuv tau ntses bass tsawg tshaj rau ib lub nkoj: Lura Lake (3.0), Lake Washington (2.3), Madison Lake (2.2)
- Nruab nrab qhov hnyav ntawm tus ntses bass: 2.6 lbs
- Qhov nruab nrab nuv tau cov ntses bass hnyav tshaj : Shields Lake (2.9 lbs), Cannon Lake (3.2 lbs), Lura Lake (3.5 lbs)
- Cov ntses bass loj tshaj: 8.1 lbs (Cedar Lake 2019)
- Qhov nruab nrab nuv tau cov ntses loj tshaj: Cannon Lake (5.5 lbs), Shields Lake (5.7 lbs), Lura Lake (5.9 lbs)

Jan Cov Pob Zeb

Kuv tau sau zaj dab neej no 8 xyoos dhau los thiab nyuam qhuav nrhiav tau dua. Kuv tsis tau qhia tag zaj dab neeg no li, tiam sis txog sij hawm lawm. Muaj ntau tus neeg tau nug kuv txog cov ntses kuv nyiam tshaj los sis loj tshaj; tiam sis, tus kuv nyiam tshaj tsis yog tus kuv nuv tau. Thaum koj xav txog tej sij hawm tseem ceeb hauv koj lub neej, nws yeej muaj tib neeg thiab tej yam uas tau hloov koj, ua rau koj yog tus neeg niaj hnuv no. Txij hnuv ntawd los, kuv tsis txhawj txog tej yam xws li mus nuv tus ntses tom ntej. Kev nuv ntses dhau mus ua qhov thib ob tom qab lub sij hawm uas hloov kuv lub neej. Nov yog qhov uas tau tshwm sim.

Kuv muaj ib zaj dab neeg txog ib tug ntses zoo nkauj kawg nkaus thiab ib tug phooj ywg zoo; kuv tab tom dhau ib lub sij hawm nyuaj heev vim kuv tus muam tau tag sim neej lawm. Kuv tus phooj ywg Dan tau hu kuv thiab caw kuv kom mus nuv ntses rau hnuv tom qab, nws hais tias "Koj yuav tsum mus xwb xwb!" Dan yog tus Thawj Tswj ntawm lub Muskie Inc Chapter 54 thiab nws paub txog cov thaj chaw dej zoo heev, tshwj xeeb yog rau cov ntses muskie thiab pike. Yog li, kuv yuav tsis mus tau li cas, tshwj xeeb yog thaum nws hais meej meej tias kuv yuav tsum tau nrog nws mus!

Thaum kuv tab tom mus ntsib nws, kuv tau xav txog kev sib tham ntawm kuv tus muam thiab kuv wb, ob peb hnuv ua ntej nws tau ncaim mus. Nws tau qhia txog qhov chaw thiab thaum twg thiaj li zoo rau kuv mus nuv ntses. Jan hais kom kuv mus nuv ntses ob peb hnuv ua ntej los sis tom qab qaim hli rau thaj chaw uas muaj pob zeb. Kuv nug nws tias seb puas yuav nuv tau ib tug ntses loj heev? Yuav tsum loj heev hos, nws hais li rau kuv. Kuv sim nrog nws tham kom lig kawg nkaus rau hmo ntawd, kom nws txhob laj nyob. Thaum ntawd, tsuas suav hnuv hmo rau kuv tus muam nyob lawm, thiab wb twb tsis tshuav sij hawm ntev nyob ua ke ntxiv lawm. Kuv tus muam yog ib tug poj niam uas yeej nuv tsis tau ib tug ntses muskie dua li, tiam sis nyiam cov ntses no heev. Nws kuj yog ib qho txawv kawg nkaus uas cov lus wb tham zaum kawg yog tham txog cov ntses muskie no. Tsis yog hais tias Jan nyiam ntses muskie xwb, nws hluv thiab txaus siab rau cov ntses no. Ib tug poj niam hauv lub tsev laus uas nws nyob, tau qhia li ntawd rau kuv, hnuv uas nws tau ncaim mus lawm.

Thaum kuv tsav mus rau ntawm lub pas dej loj, kuv muaj ib lub siab xav zoo heev thiab vam tias Dan yuav nuv tau tus ntses muskie. Thaum kuv tuaj txog ntawm qhov chaw nres nkoj, wb tau tham luag ntxhi txog wb txoj kev cia siab. Dan hais tias, "koj yuav nuv tau ib tug hnuv no xwb ntag." Kuv teb tias, "tsis yog kuv! Dan, koj yuav yog tus nuv tau ntag!" Dan hais tias yog muaj li ntawd, nws xav siv Steve tus cuab nuv ntses Spinnerbait tshiab thiab siv lub tswv yim Figure 8. Kuv teb tias, "koj yuav tsum ceev thiab npaj txhij yog koj ua tau nawb," wb luag nrov nrov. Wb kuj tau tham txog Jan txoj kev xav txog kev nuv ntses rau ntawm lub pob zeb loj thiab ub no, kom tau raws li wb lub siab ntshaw.

Tom qab ob xoj moos uas nuv tau nroj tsuag thiab pom ntug dej xwb, Dan hais tias muaj ib qho chaw me uas txuas mus rau hauv dej uas feem ntau cov neeg nuv ntses tsis pom. Nws hais kom wb mus sim qhov ntawd, tej zaum nws yuav muaj pob zeb." Nco ntsoov tias Dan tsis muaj GPS thiab nws tsuas nuv ntses raws li kev nco xwb. Yog li wb txav chaw thiab pib nuv txog thaum tav su nyob rau lub Xya Hli ntawd, thaum lub hli nyob hauv qab ntuj thaum 1 moos. Tsis pom muaj pob zeb tiam sis wb xav tias qhov no yog lub sij hawm zoo rau wb. Kuv tseem tab tom hloov kuv tus npev mus rau tus qauv ntses pike AP Glider thaum hnov Dan qw nrov "(#!@%) nws nyob ntawd lawm! (uas nws rov qab qw hais lus phem) Tsis tau lawm." Thaum kuv maj mam tig, kuv pom ib lub taub hau zoo li lub thoob tsib gallon nyob rau ntawm nws tus figure 8 uas pom tus ntses raug txhom ntawm txoj hluas dub zoo li ib tug yoov dej me me tawm los hauv qhov dej. Nws rov qab mus nuv kom tau tus ntses ntawd uas tseem kauv mus kauv los thiab ua zog heev pem toj ntawm nws lub nkoj uas ntev 16 taws.

Tus ntses pib tig thiab co heev, khiav ib ncig ntawm lub nkoj, nws ua tiag kom khiav dim ntawm wb thiab rub lub nkoj. Kuv tuav lub vas thiab khoov kom deb li deb tau seb txhom puas tau nws thaum nws los dhau wb, tiam sis thaum nws pom lub vas nws co taub hau heev saum ntug dej. Thaum kuv txav mus rau pem hauv ntej, kuv hnov ib rab nuv ntawm cov cuab nuv ntses dai hauv nkoj nkaug rau hauv kuv lub hauv caug, nkaug tob tob, yog koj paub tias kuv hais li cas. Thaum kuv ntsia, kuv pom ib rab cuab nuv ntses Believer lo rau hauv kuv txhais ceg. Kuv xav tias kuv hmoov tag lawm, vim kuv txhais ceg

raug hno tob rau ntawm rab nuv thiab nkoj lawm. Kuv so kuv tus kheej me ntsis, co kuv lub hauv caug me ntsis, ces rab nuv ho poob lawm; txawv heev! Kuv rub rov qab thiab ua ntxiv, ces tus ntses khiav ncaj qha mus rau lub vas thaum kuv sawv tsuj rau ib sab ceg zoo li tus ballerina noj mov ntau dhau. Dan hais tias qhov uas kuv sawv li ntawd yog ib yam ua txawv kawg nkaus li [luag]. Wb tau muab tus ntses nqa rau hauv nkoj thiab rho cov nuv tawm uas siv li ob peb vib nas this xwb.

Kuv nug Dan tias nws puas npaj tau rau qhov no? Nws teb tias, Kuv tos lub sij hawm no tau 22 xyoo lawm!" Thaum nws tsa tus ntses, kuv thiaj ob peb daim duab, thiab nws maj mam tso tus ntses rov qab rau sab ntawm lub nkoj. Wb muab tus pas ntsuas los ntsuas nws, uas qhov ntev tag nrho yog 55 ntev tes nyob hauv dej. Nws rov qab ciao sia sai, thiab wb tau thiaj ob peb daim duab ntxiv thaum tus ntses txav mus rau hauv dej, uas yuav los mus txhawb lwm tug neeg nuv ntses txoj kev npau suav. Dan tig thiab ntsia tuaj rau kuv luag ntxhi thiab hais tias: "Kuv xav mas, wb tau kev pab los ntawm ib tug neeg ntxiv uas nrog wb nyob hauv nkoj." Nov yog ib zaj dab neeg uas wb qhia rau ob peb tug phooj ywg xwb,



Dan thiab tus ntses muskie ntawm Jan lub pob zeb.

tsis yog hais txog tus ntses, tiam sis txog txoj kev uas wb nuv tau tus ntses.

Tom qab ntawd, nyob rau lwm lub caij nuv ntses nyob rau Lub Kaum Ib Hli, nws yog ib hnuv huab cua nyob tu yees thiab wb ob leeg rov qab mus rau qhov chaw qub. Thaum Dan tsav lub nkoj mus rau thaj chaw ntawd, kuv tseem muaj kuv ib txoj kev xav uas kuv yeej niaj zaus ua. Dan hais rau kuv "Saib qhov nov nas" uas kuv tig mus saib, kuv pom dej uas yog xim ntsuab ci ci uas muaj cov pob zeb dawb granite loj li cov npav basketball. Wb cias li nyob ntsiag tos saib lub pas dej ci ntsa iab xwb. -txuas ntxiv rau daim nplooj ntawv 3

...txuas ntxiv

Wb hu lub chaw ntawd ua Jan cov pob zeb, thiab wb yeej tau rov qab mus xyuas ntau zaus. Lub chaw ntawd yog lub ua rau kuv nco txog nws, los sis nws yog kuv ib lub chaw sov sia. Nws kuj yog lub chaw uas txhawb siab thiab hloov tau kuv txoj kev xav sai, npaum nkaus li thaum tus ntses nyiaj loj loj tawm ib vuag xwb. Qee tus ntses zoo li yus tus cawv seej, thiab qee tus neeg ua zoo tshaj rau lwm tug qhov lawv yuav tau rov qab! Qee lub sij hawm kuj muaj txhua yam sib xyaws ua ke. Cov ntses muskies tsis yog tias tsuas yog lwm hom ntses xwb, tej zaum lawv muaj lub ntsiab lus loj dua ntawd.

-Sau los ntawm John Underhill, tus neeg nyiam nuv ntses heev



Saum toj no: Tab tom cawm ntses Northern Pike



Saum toj no: Intern Bryn thajj duab nrog ib tug ntses Walleye los ntawm German Lake.



Saum toj no: Ob tug tub hluas nuv ntses keej nrog nkawv cov khoom plig yeej ntses bass.

Nws yog ib lub cuab txhom!

Kev tso ntses yog ib qho ntawm cov cuab yeej tswj ntses thiab feem ntau siv hauv kev tswj hwm ntses. Cov neeg tswj ntses tso ntses vim muaj ntau yam laj thawj, thiab lawv kuj tso ntses rau ntau lub caij nyoog thiab. Feem ntau, tib neeg paub txog kev tso me nyuam ntses Walleye thiab Northern Pike nyob rau lub caij nplooj ntoos hlav xwb. Thaum lub caij nplooj zeeg, cov neeg ua hauv lwm hauv Waterville kuj tso ntses Walleye thiab Muskellunge me ntsis rau hauv dej. Tiam sis, tej zaum qee tus neeg yuav tsis paub tias peb qee zaus kuj tso ntses Northern Pike uas laus nyob rau lub caij ntuj no. Vim li cas thiab tso cov ntses Northern Pike uas laus, thiab yog vim li cas rau lub caij ntuj no?

Qee zaum, qhov phiaj xwm tswj dej tso cai rau kev tso cov ntses Northern Pike uas laus los pab txhawb rau kev nuv ntses los sis los pab tswj cov ntses me uas loj hlob ntau dhau hauv lub pas dej. Ib txoj kev uas yooj yim tshaj rau peb los tau cov ntses Northern Pike uas laus yog kev cawm ntses thaum lub caij ntuj no ntawm Rice Lake National Wildlife Refuge hauv Aitkin County.

Ntawm no yog me ntsis keeb kwm thiab kev piav txog kev cawm ntses los ntawm tus thawj tswj hwm cheeb tsam Aitkin, Rick Bruesewitz:

"...nov kuj yog lub sij hawm uas peb pib khiav hauv lwm ntawm lub cuab ntses ntawm qhov chaw tawm dej ntawm Rice River hauv Rice Lake National Wildlife Refuge. Lub cuab ntses no tau ua hauv lwm txij li xyoo 1950. Thaum ub, peb siv cov ntses no los tso rau hauv ntau lub pas dej hauv Aitkin County, tiam sis tam sim no peb paub ntau dua lawm, peb tsis tso cov ntses no rau hauv cov pas dej uas twb muaj ntau cov ntses Northern Pike. Cov ntses uas peb ntes tau tam sim no feem ntau raug xa mus rau sab qab teb ntawm Minnesota, rau cov dej uas muaj tsawg heev los sis tsis muaj ntses Northern Pike uas cov pas dej yeej ib txwv tsis muaj.

Feem ntau hauv ib xyoo, cov neeg ua hauv lwm hauv Aitkin khaws tau ntau txhiab cov ntses Northern Pike."

Xyoo no, lawv tau kwv yees li 5,800 cov ntses Northern Pike. Cov ntses no, kwv yees 1,200 tus tau raug tso los ntawm pab neeg hauv Waterville mus rau Greenleaf Lake thiab Sunfish Lake.

-Brandon Eder, tus lwm thawj saib xyuas cheeb tsam

2024 Raws Li Kev Ntsuam Xyuas

Pab neeg hauv Waterville tab tom npaj ua tiav cov hauv lwm ntsuam xyuas pas dej rau xyoo 2024. Feem ntau peb siv lub caij ntuj no loskuaj xyuas cov otoliths (lub pob ntseg ntses uas qhia tau hnuv nyoog) thiab sau cov ntawv ceeb toom. Thaum txoj hauv lwm tiav lawm, peb rov qab saib qee cov lej hauv 2024 uas tej zaum koj yuav xav paub:

16,097 - Cov ntses uas tau kuaj hauv vas ntses thiab siv hluav taws xob ntes.

21 - Hom ntses uas tau ntsuam xyuas.

1.56 - Mais ntawm cov ntses uas tau ntsuas qhov ntev.

1,412 - Cov ntses uas yuav raug ntsuas hnuv nyoog nyob rau lub caij ntuj no.

Tus ntses ntev tshaj plaws rau 2024

- Black Crappie - 14.8" (Bass Lake)
- Bluegill - 9.9" (Bass Lake)
- Largemouth Bass - 20.3" (Clear Lake, Waseca County)
- Northern Pike - 39.3" (Fountain Lake)
- Walleye - 28.3" (German Lake)
- White Crappie - 15.4" (Bass Lake)
- Yellow Perch - 11.5" (Horseshoe Lake)
- Longnose Gar - 46.7" (German Lake).

Peb cov vas ntses tsis yog txhom rau cov ntses loj xwb, tiam sis cov lej no yuav pab koj pom tias cov ntses loj xws li 10-nti Bluegills, 15-nti Crappies, los sis 30-nti Walleyes yog cov ntses tsawg npaum li cas tiag.

-Tyler Fellows, Kws tshaj lij kev tswj ntses



Saum toj no: Intern Ian nrog ib tug ntses Largemouth Bass los ntawm Clear Lake.

THAJ CHAW NTAWM WATERVILLE

Clear Lake - Waseca County

Keeb Kwm Kev Tswj Hwm

Lub pas dej Clear Lake muaj keeb kwm txog kev tswj hwm ntev uas muaj ntaub ntawv txij xyoo 1926. Kev tswj hwm loj tshaj yog kev tso ntses, uas tau suav nrog cov ntses Walleye, Northern Pike, Yellow Perch, Largemouth Bass, Bluegills, Channel Catfish, cov hom ntses crappie, cov hom ntses bullhead, thiab cov hom ntses minnow uas tau muaj tso tawm rau tej lub sij hawm sib txawv. Tam sim no lub hom phiaj yog tso cov ntses Walleye rau cov xyoo khib thiab tso cov ntses Northern Pike thiab lwm hom ntses tawm rau cov xyoo khub yog tsim nyog thiab yog tias muaj ntses tuag coob rau lub caij ntuj no. Kev tswj hwm kuj tau suav nrog cov dej num tshem tawm cov ntses phem xws li Common Carp, Freshwater Drum, Bigmouth Buffalo, cov hom ntses sucker, Bluegill, thiab cov hom ntses crappie.

Kev rov kho pas dej yog los tua cov ntses hauv pas dej kom tshem cov hom ntses uas tsis xav tau xws li tej hom ntses Carp thiab Black Bullheads. Thawj zaug tau kho pas dej yog nyob rau xyoo 1963 thiab yog thawj zaug uas tsis muaj teeb meem. Thaum xyoo 1970s, cov hom ntses Carp thiab Black Bullhead tau rov qab muaj ntau heev nyob rau cov pawg ntses. Nyob xyoo 1987, kev rov kho pas dej zaum ob tau rov qab muaj dua.


Tom Qab Rov Kho Dua

Kev rov kho pas dej nyob xyoo 1987 tau ua tiav zoo thiab cov ntses xws li Bluegill, Black Crappie, Largemouth Bass, Walleye, thiab Northern Pike tau rov qab muab tso ntxiv. Cov ntses Bluegills laus thiab cov Black Crappie tau kev tso

rau hav dej nyob rau xyoo 1987 thiab hos muaj kev yug me nyuam kom coob nyob rau xyoo 1988.

Kev yug cov me nyuam ntses rau xyoo 1988 tau ua tiav zoo heev, vim tias cov ntses Bluegills thiab Crappies pib muaj tsawg zuz. Nyob rau cov xyoo 1900 cov neeg nuv ntses mam li tau los nuv cov ntses no vim tias ua ntej ntawd, cov ntses tseem yau dhau lawm. Tiam sis, cov ntses Largemouth Bass tau loj hlob zoo txaus rau cov neeg nuv ntses nyiam, lawv thiab li pib nuv thiab txhom lawv zuz zus.

ntsес Largemouth Bass, kom lawv muaj kev loj hlob zoo thiab txhob raug nuv los ntawm cov neeg nuv ntses. Lub hom phiaj los yeej yog kom cov lej ntsuam xyuas ntawm kev tshawb fawb nyob tus yees raws li muaj nyob rau thaum xyoo 1990s—uas yog ib qho txiaj ntsig zoo tshaj plaws, los ntawm kev rov kho pas dej nyob rau xyoo 1987 thiab kev tso ntses ntxiv. Kuj muaj kev cia siab tias kev tswj hwm cov ntses Largemouth Bass yuav pab txo kom txhob muaj coob cov



Saum toj no: Daim duab qhia chaw ntawm Clear Lake.

Dua li, nws kuj yog ib lub sij hawm zoo rau cov chaw yug cov ntses ntawd thiab.

Cov kws thawj tswj hwm ntshai tsam txoj kev nuv thiab txhom cov ntses mus tsev Lawgmouth Bass tsis zoo rau lub pas dej Clear Lake, vim yuav cuam tshuam nws txoj kev nyab xeeb, zoo li lub pas dej Loon Lake uas nyob ze thiab twb tau raug qhov xwm txheej no dhau los lawm. Yog vim li no thiab li muaj ib txoj cai khoo tsis pub nuv thiab tua ntses nyob ntawm lub pas dej Clear Lake txij xyoo 1994. Txoj cai no tsim tseg kom txhob muaj kev txhom cov

ntsес uas yog hom Bluegills me thiab Black Crappie. Tiam sis, kev tswj hwm biological rau cov ntses Bluegill thiab Black Crappie tsis muaj kev cuam tshuam txog txoj cai ntawd.

Puas Ua Tiav Zoo?

Kev ua tau zoo ntawm txoj cai tsis pub tua ntses hauv Clear Lake tseem tsis tau paub tseeb. Qee lub hom phiaj yeej tau ua tiav lawm thiab. Feem ntau sawv daws yeej pib tsis nuv los sis khaws cov ntses Largemouth Bass, thiab tam sis no lub pas dej Clear Lake yog ib lub pas dej uas muaj kev nuv ntses Largemouth Bass zoo heev. Tam sis no, kev nuv ntses thiab tso rov qab kuj yog ib yam uas nrov heev rau cov ntses Largemouth Bass, thiab

kev ntsuam xyuas cov neeg nuv ntses ua tsis ntev los no qhia tau tias cov neeg nuv ntses hauv cheeb tsam ntawm Waterville tau tso ntses ntau dua 92% ntawm cov ntses Largemouth Bass uas lawv ntes tau. Qhov no puas yuav tseem muaj ntxiv, yog tias tsis muaj txoj cai tswj kev nuv thiab tso ntses rov qab? Kuj tsis paub meej tseeb thiab.

Qhov peb paub tseeb ces yog qhov uas cov Largemouth Bass, Bluegill, thiab Black Crappie loj hlob tau zoo heev hauv Clear Lake, thiab cov neeg nuv ntses tab tom tau txais txiaj ntsig zoo heev.

-Brandon Eder, tus lwm thawj saib xyuas cheeb tsam

WATERVILLE AREA FISHERIES

(507) 497-1820

50317 Fish Hatchery Road Waterville, MN 56096

m DEPARTMENT OF
NATURAL RESOURCES